

續金華叢書



續金華叢書



竹溪古木

表勵準



甲春康宗校
子永胡榭鋟

竹谿稿卷上

續金華叢書

宋呂浦撰

太極賦

繫上天之載兮無聲臭之可言無極而太極兮妙萬化之本源曰動
靜而陰陽兮陰陽分而乾坤五行具質于地兮氣則磅礴夫蒼旻由
五氣之順布兮四序循環而迭臻懿人物之始生兮稟無極二五之
精真道氣男而坤女兮物生生而彙分究萬殊於一本兮莫匪太極
之一元由一本而萬殊兮各具太極之渾淪前乎莫究其始之所發
後乎莫測其終之所因且視之而勿見兮聽之而勿聞妙冲漠之無
朕兮極垓北而無垠是乃自然實理流行於天地詎可管窺蠡測私
計而臆論原夫羲皇作卦有畫無書此曰太極孰爲權輿自宣尼之
贊繫迺遺訓之云初奈世遠而言煙汨異說之虛無寥寥千載孰匡
孰扶霽月光風春陵鉅儒悼斯文之抑鬱憤紅紫之亂朱析微辭於
寸管括萬化於一圖啟聾聵於罔極廓清妙而無餘匪識道之君子

孰髣像於斯乎奈何論說瀾翻是非蠡起向非紫陽之超卓孰能毫
析於疑似走翰墨以紛霏辯未明而不已暨霜降而水涸迺自見其
涯涘始玉石之莫分終同歸於至理譬日月之行天並太極而終始
嗟余生之無聞詎能探夫微旨徒剽竊於陳編惟誦傳於口耳瞿撫
圖而三歎忘契心於一唯太極於我何有哉惟曰一理而已爾

金蓮炬賦

嗟末葉之有唐期照臨於萬方何寧馨之學士寵殿陛之天光對金
鑾之向久聽玉漏之初長更已闌今欲轉夜何其兮未央耿銀燭兮
見跋紛蠟淚兮成行於是翠華風動鑾韻琳琅玉蟾煙歇蘭麝餘芳
龍顏屢顧鑾馭將翔爰命學士歸于玉堂移金蓮之寶炬洩蘭燼之
天香月芙蕖於秋水煙菡萏於朝陽丹燄直衝於牛斗朱華不落乎
風霜耀嬌步之潘妃照丰姿之六郎降神輝於紫闥煥瑞彩於宮牆
枝鵲飛驚以盤礴林鴉起散而搶攘出閭闔兮炫耀燭翰苑兮熒煌
長鳴兮辟易更驚走而倉茫訝鑾輿之宵幸恍玉珮之鏗鏘衆熟

視而太息事可感而追傷想召對之移時必有契乎君王曰利害之有問可獻替之無良苟丹心其未秉讀金鏡其如忘玩威光於咫尺逞顏色於廟廊吁嗟乎君寵不可久得今君恩不可以過望豈若校書於天祿感藜杖之光芒名器不可少假今天威不可以不揚曷若設燎於王庭來玉帛於萬邦正上下之大分遂緝熙於八荒協君臣之一心保鴻業於無疆奚必褻一夕天光之下照使誇一時寵耀之非常

酷熱賦

渭川主人盛夏坐艸窗來南風瀟然自適客有過者曰主人安此亦知熱之酷乎主人曰奚而不知也客曰是月也律中平林鐘日行乎南陸老火旺土兮彌張庚金遇火兮當伏蘊隆鬱乎蟲蟲炎光赫乎四燭百川爲之沸騰五嶽苦其焚煇朝滅陽侯之波夕赭鄧林之木銷鑠乎銅山融液乎金谷萬獸震掉羣鳥悲哭龍遯乎馮夷之宮虎竄乎陰山之麓火雲扇天萬里相屬燭龍服馭會不停轂炎帝執鞭

而啟途祝融持節而後逐夸父追奔以渴死羲和捐轡而川浴百神
徬徨四海痛毒痛乎血肉之微軀忍此薰蒸而燔暴安得坐冰壑之
寒風灑雪山之飛瀑醉河朔之酣觴洗煩襟之濁俗今主人寄陶窗
之傲詠虞絃之曲清風颯颯其徐來灑氣飄飄乎自足惟愛日之偏
長又豈真知熱之酷主人曰噫嘻客徒知今日之熱之酷竟不知昔
之熱之真酷也昔之酷熱有痛心蹙額不可盡言者客亦嘗聞之乎
赫赫炎炎腥光燭天煙凝膏柱炮烙烹煎妖孽僅媢於一笑糜爛不
知其幾千傷哉此豈非商季世之酷熱乎火甕煌煌虐焰四張煅煉
鬼樸焚炙忠良燬王室之枝葉見煙盡而灰揚悲哉此豈非唐中宮
之酷熱乎若此者又豈非熱之真酷者乎于斯時也炎飈所炙燔焰
所薰焦頭爛額糜骨潰筋生斯世也深逃此酷熱之不暇又奚彼酷
熱之足云况夫四序迭更寒暑來往陽居大夏生育長養苟一暴而
十寒豈萌蘖之能長惟亢陽之爲虐慮歲事之或爽矧今時和歲豐
十日一雨五日一風在伏之候應暑之隆迺式符平月令又何怨乎

天工且客區區竄跡乎陰山之冰雪汲汲留心乎池館之荷簫曾不
愧夏畦之老圃憫水耨之耕夫盍洗煩襟之俗濁徒極酷熱之形容
且夫居靜生涼心清敵暑凝爾精神慎爾居處浸皓月於寒潭澄微
波於秋浦縱炎赫之薰蒸亦清涼之得所苟役外而熱中務高飛而
遠舉雖寘身於風露之玉壺猶混跡於炎埃之下土客觸熱而遠來
宜襍穢之自取反嗤我以不知豈清修之吉士客於是拱而立喟而
歎曰非鄙夫之所及也主人迺揖客而退援琴而歌歌曰解吾愠兮
南風薰清吾心兮南風琴清吾心兮濯吾襟重華一去兮無知音

鱸魚賦

東吳主人問于渭川叟曰子客東南亦知吳都上物有可珍者乎白
未也主人曰吳江拍天浩浩無垠中有嘉魚絕類超倫匪鱸匪鮪波
行粼粼白質黑章巨口細鱗鬚尾玉潔腹腴水紋松江旣秋等澤尙
春弄菰根於水渚吹葦絮於江濤避曲鈎之新月驚沈網之行雲白
鳥熟睨以延頸漁簑臨羨而逡巡退結網於江臯進鳴榔於水津看

玉尺之橫罍引銀梭而出綸響跳鳴之撥刺煦濡沫以繽紛愛霜鱗之肥白喜風味之蠶新鄙流水桃花之春鰕麤北溟跋浪之大鯢似者尙或樂坡仙於赤壁幻者亦能光曹瞞之會賓况其真者豈不能引秋風之西起鼓張翰之思尊迺所謂金齏而玉鱠又豈非東南之所珍于時蘭堂啟宴鑾刀紛紜聶瓊兮研雪切玉兮絲銀嫵蕙肴兮椒藉芼薑橘兮芳辛會蘭臺之公子來高堂之美人問春色於烏程醉妖歌之紅裙擅一筋之肥脆厭四事之羶葷且賞一鱠之郎官寧美雙魚於王孫又何慕平熊之掌復何羨乎腥之脣曰魚固我之所欲又豈若鱸之美之純者乎子蓋未之味也渭川叟曰子吳人也味鱸之美矣亦嘗味吾磻谿之魚乎小者曰鮒大者曰鯉釣必纖其綸釣必芳其餌豈假任公投以五十之轄衛人貪以半豚之體法鈎餌之自然豈式魚之云爾終一釣以得璜啟八百於姬女應吉卜於非熊耀崇勳於青史豈屑屑乎一絲之鱠竊竊乎一味之旨主人吞八九雲夢於胸中乃獨美一鱸魚之足美盍一釣以連乎六鰲際風雲

乎龍門之裏主人曰善子盍爲我賦之渭川叟曰主人旣味魚之美
矣豈亦知魚之樂乎主人曰莊生有言子非我焉知我不知魚之樂
乎渭川叟曰然則主人旣知魚之樂矣又豈不兼知魚鳥之樂乎傳
不云乎鳶飛戾天魚躍于淵渺雲飛而川泳合道體之大全前賢喫
緊爲人處活潑潑地主人豈亦知其所以然而然於是主人長揖而
謝客客遂援筆而竟以賦鱸魚之篇

蜀鳥賦

繁粵山之晚春嗟蜀鳥之愁人歎流光之飛電感往事而沾巾童子
怪而問客曰客何爲者客曰肇昔蠶叢啟邦西蜀後王杜宇嗣德匪
淑禪位鼈靈竄身巖谷化爲子規羈棲林木追傷亡國之恨每深春
則痛鳴而悲哭故蜀人聞其聲則爲之迸泉而墮淚觀其形則爲之
再拜而惜伏蓋以其爲古望帝之魂而致其尊君懷古之意也方其
三春向晚九扈旣鳴遺恨填臆悲衷塞膺迺振羽於北林遂鼓翼乎
東垆望西土之萬里發南山之一聲訴悲風於千古慨往事於平生

既蚤叫而暮號復夜哭而宵征至若芳郊未暝花雨猶溼一望晚煙
千峯落日反舌息聲嬌鶯歛翼於斯時也涕百酸之攬腸快一憤之
欲雪繞大地以哀鳴叫蒼天而出血羽不停飛聲無住舌千林夜驚
百鳥悲咽聲聲入碧宇之雲夜夜落空山之月巖花爲之曉紅庭竹
爲之宵裂夫何爲而至斯極也蓋傷亡國之遺恨慨家山之阻隔悲
白帝之芳春憶錦宮之故闕渺歸路之茫茫念音書之永絕痛百感
之積中奮繁聲之激烈聞者莫不情感而魂驚心飛而神越遂使行
人灑淚嬌婦沾衣花寂寂兮春忽暮草萋萋兮人不歸望南浦兮靡
極渺余心兮傷悲於是童子垂頭而聽妓淚而泣松影月寒棟華風
急客栩栩兮付莊生之一寐何悲乎古蜀帝之亡國

井鼃賦

東海鼈問埵井鼃曰汝知井中樂乎鼃曰物各有天我井其天笑不
自知我天之樂也試爲爾言之我跳梁乎頽榦之上沒身於缺甃之
涯饑則索塗而鼓吻渴則赴水而持頤風月不煩吾鼓吹井地孰識

乎官私高笑蟾蜍竊靈藥以長生遠陋科斗登名字於詩書喜則動
吾聲出吾氣於九仞之底而莫與吾並怒則努吾目脹吾腹於一竅
之內而卒無所施悠悠歲月朝斯夕斯生不我惡死奚我悲擅一勺
之水以遊以嬉幾欲緣寸綆而上瞻穹蒼於咫尺又恐反失吾管中
之素闕再欲依尺甕而近訪離羣於沈甕又恐波及乎釜中之魚災
故寧甘心於幽冷之境而便腹於一塊之坭吾井天之樂也如是何
啻乎神龍之飛翔乎雲漢而下躍乎天池也耶東海鼈笑而復之曰
爾識樂天井中之天耳亦知有吾海上之天乎瀾漫浩渺濔滴幽窈
包乾端而幹坤倪環十洲而羅三島漲萬川而不爲之大洞千江而
不爲之小泄餘澗於尾閭浮積陰於四表鯤鵬於茲乎變化蛟龍於
此乎馴擾吾之樂吾天也有紀極乎自吾足踏滄溟背喋蓬萊或矯
首於巖穴或曳尾於塗泥動則延頸而鶴顧樂乎容與而徘徊靜則
縮頭而殼隱何驚乎澎湃而喧呶或深入乎蛟人之窟宅或高陵乎
蜃氣之樓臺環海天九十餘萬里無所往而不可去來自吾舉首以

戴山斷足以立極千秋萬歲不知幾寒暑之往回顧海族之繁夥孰
若我之雄猜然則井之天固不大於海之天海之樂又豈不愈於井
之樂也哉於是井鼃適適然而驚規規然自失而未心服也仰謂鼃
曰吾假汝偕見東海君而質之何若鼃俯視而笑曰古言井鼃不足
以語海汝焉得遽出九仞幽冷之下而竊窺吾海上九十餘萬里浩
渺之天乎一日東海鼃見東海君告其故東海君笑謂之曰若等所
見未知其孰大孰小也坐井見之則曰小居海見之則曰大吾聞吾
東海有聖人曰仲尼者嘗登東山而小魯登泰山而小天下非若等
所見者比也故觀於海者難爲水遊於聖人之門者難爲言鼃亦不
敢復問縮頸而退

待客

一陣松花雨半窗蓮葉風老龍將雨去人卧月明中

谿行

一谿流水急兩岸夕陽閒興盡人歸去春愁山外山

春愁

花落黏蛛網，芹香襯燕泥。多情窗外月，夜夜入空閨。

偶成

住近清谿曲，灘聲十二時。雨深莎草徑，風壞槿花籬。欲學淵明曠，難
禁宋玉悲。麴生風味好，時復一中之。

孤山次李明之韻

見邑志

古是逋仙宅，今遊昔未過。停車三奠酒，彈鋏一悲歌。鶴去衝霄遠，梅
存占月多。春風枝上夢，遺恨滿庭莎。

山行

紅樹一村曉，黃花兩逕秋。好山原不改，淺水自長流。風落經霜果，人
驅渡水牛。山翁聞客至，隔屋喚新筇。

思歸

凍雀噪疎籬，雲愁雪半垂。梅函春信，藥松老歲寒枝。心醉非關酒，羈
愁欲廢詩。雁飛山月上，歸夢繞天涯。

錢俞邑侯歸鎮江

名重金閨彥行魁玉筍班春風花縣靜秋月棘闈閒欹枕一軒雨開帆兩岸山歸舟何日到北固是鄉關

秋曉

破扇未滿篋殘燈猶照窗夜涼人靜獨月曉鵲飛雙俗慮詩分遣愁魔酒借降酒醒愁復戰白露滿秋江

和美化書院范山長韻

五柳文章在南山依舊佳一樽新活計三徑舊生涯趣向靜中得心從忙裏差相思春樹綠何日憇山家

江村晚眺

極目煙村晚風帆未繫船沙明霞映日江濶水涵天失侶鴈孤下忘機鷗自眠一聲漁浦笛洗盡萬塵緣

曉角

朔風吹透人雲聲烏鵲驚飛客夢醒梅落城頭霜月冷餘音哀怨不

堪聽

西瓜

剖雪分開碧玉團絳珠數點水晶寒文園病客當青眼莫作東陵一
樣看

掬水月在手

纖纖玉手弄潺湲邀得嫦娥掌上看覆手聽歸天上去瓊樓玉宇任
高寒

弄花香滿衣

拈紅擷紫弄芳菲惹得狂香滿素衣偏怪春心雙蛺蝶隨風步步逐
人飛

雜興

客子悲秋雙鬢華西風吹老牽牛花明朝策馬問歸路今夜夢中先
到家

三百三十有六度二十五聲秋點長中宵起舞不得寐野雞遠叫天